



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Vetustas, Sanctimonia, Potentia atque Majestas,
Celsissimae Augustissimaeque, Serenissimorum Ducum
Brunsvicensium Ac Lyneburgensium Domus**

Mader, Joachim Johann

Helmeftadii, 1661

I. Chronica Ser[enissi]morum Ducum Brunsvicensium, Autoris anonymi
sed vetusti.

urn:nbn:de:hbz:466:1-10983

CHRONICA
SERENISSIMORUM DU-
CVM BRVNSVI-
CENSIVM,

Auctoris anonymi sed
vetusti.





CHRONICA
SERENISSIMORVM DV-
CUM BRUNSVI-
GENSIUM,



Irca principium conversionis Saxo-
num, LUDOLFUS, Dux Saxo-
nia, post mortem Karoli annis XL,
fundavit Ecclesiam *Gandershem* & fi-
dem, quam novellā adhuc habuit, pijs operibus
confirmavit. Iste genuit tres filios, ODDONEM
BRUNONEM & TANQUARDUM. Hi duo
Bruno & *Tanquardus* civitatem *Brunswick*, si-
cut habetur in quibusdam Chronicis, fundave-
runt. Unde & quædam pars ipsius civitatis,
urbis scilicet, in antiquis privilegijs *Tanquerode*
crebrius appellatur. De insulto *Danorum* fuit
illis temporibus populo & Ecclesiæ Dei plaga
maxima, qui in *Francia* & partibus occiduis o-
mnia crudeliter vastaverunt. Ipsi in *Theutonia*
Bruno & *Tanquardus* in manu valida occurre-
runt

runt & cum eis confligentes, & gloriosa de eis habita victoria, cum ad sua redirent, inundatione gravi imbrium perierunt. *Oddo* autem, qui de fratribus fuit superstes, Dux *Saxoniae* extitit, regnum Romanorum, quia grandævus fuerat, recusavit. Unde *Conradus* in regem concorditer est electus. Quo cito mortuo, in regem **HINRICUS I.** *Oddonis* filius de consensu Principum est promotus. Iste *Hinricus de Dinkeler* dictus, coronam raro sibi imposuit, sed regnum humiliter gubernavit. *Brandeborch* urbem, super glaciem castra ponendo, expugnavit, *Sclavos* devicit, IX annorum tributum solventes, simul & interim *Saxoniam* muniens, *Vngaros*, quibus *Saxones* tributarij erant, ejecit, & contra insultum *Vngarorum* *Saxoniam* oppida munivit. Iuxta *VVagersleve* L milia *Vngarorum* cum quatuor millibus in prælio superantur. *Misne* montem contra *Slavos* construit, & urbem *Quedelingeborch*, in qua congregationes nobilium feminarum instituit; Vbi filiam suam primam esse voluit *Abbatissam*. Et ut esset *Domina* Principum, prædia largissime donavit,

navit Ecclesiam in honore S. *Servaci* dedicari fecit, & in die dedicationis in refectorio Dominabus XI fercula, XI mensalia pretiosa, XI milia mansorum ministravit. Hic imperavit anno Domini DCCCXX, & XVIII regnavit.

Huic erant tres filij, BRUNO Archiepiscopus Coloniensis, OTTO primus Imperator, & HINRICVS Dux Bavariæ. Quorum mater fuit Domina *Mechtildis* de *Ringelheym*, soror *Reineri* & *Immothi*, qui fuerunt de semine Regis Saxonum *VVidekindi*. *VVidekindus* Rex Saxonum à S. *Bonifacio* baptisatus, de sacro fonte à *Karolo* est levatus. Qui genuit *VVichbertum*, *Wichbertus* *VValterum*. Qui ob devotionem *Romam* vadens, à *Leone* Papa obtinuit corpus integrum S. *Alexandri* filij S. *Felicitatis*, quod *VVildeshusen* collocavit. *Otto* fundavit Episcopatum *Magdeburgensem*. Iste in die *Paschæ* homicidam, qui ipso die homicidium perpetraverat, & in ipsum irruerat, à reatu absolvit, & ne aliquis ei molestus esset, strictius imperavit. Iste primam uxorem habuit *Edith*, reginam de *Anglia*, de qua genuit *Ludolfum* ducem

cem

cem Suevorum. *Edith* obit anno DCCCXLVII.
VII. Kal. Febr. Secundam uxorem habuit *Adel-*
heydem, de qua genuit *Ottonem* Rufum, impe-
ratorem II.

OTTO II. vel RVFVS de *Theophania*, fi-
lia Regis Constantinopolitani, genuit OTTO-
NEM III. Imperatorem. HINRICVS fra-
ter *Ottonis* I. genuit *Hinricum* Ducem *Bavariae*,
qui *Ottoni* III. successit in regno. *Ottoni* III. de-
functo, principes ad electionem Regis in *Pole-*
de convenerunt. Et tunc tractabatur de *Eke-*
hardo, *Ekehardi* Marchionis Orientalis filio, qui
erat dives & præpotens, & Marchio Orienta-
lis. *Sifridus* & *Berno*, filij Comitis *Sifridi* de *Bur-*
nenborch, cum Comite *Thiderico* de *Kacelinghe-*
borg, ipsum *Ekehardum* ibidem in *Polede* occide-
runt. Qui ad fundum hæreditatis suæ delatus,
super fluvium *Salam* in oppido *Jene* primum
est sepultus. Postmodum in Ecclesia cathedra-
li *Nuenborch* terræ solemniter commendatur.

DE HINRICO II.

Post hæc in *Hinricum* Ducem *Bavariæ*, ut
esset Rex hujus nominis secundus, Principes as-
sente-

senferunt. Hic erat filius *Hinrici* Ducis Bavariæ, cujus etiam pater *Hinricus* Dux Bavariæ fuit, frater *Otonis* primi. Unde ejusdem nominis quot ab uno fratre *Otone* Reges fuerunt, tot ab alio *Hinrico* unius nominis Duces Bavariæ successerunt. Iste *Hinricus* sancte & iuste regnum rexit; Episcopatum *Bavemberch* fundavit, ubi *Swickerum* Canonicum *Halberstadensem* Episcopatu præfecit, qui postea in Papam est assumptus & *Clemens II.* appellatus.

DE PAPA CLEMENTE II.

Iste *Swickerus* erat de quibusdam nobilibus in Saxonia, quorum fuit proprietas *Morsleve* & *Hornborch*, quam *Thidericus* Nobilis de eodem genere, filium non habens, Halberstadenſi Ecclesiæ dedit, indignatione motus contra sororem suam Dominam *Clementiam*, cui eadem proprietas debuerat successisse. Iste *Ungaros*, insultum facientes in Theutoniam, superavit; *Stephano* Vngarorum Regi cum gente sua ad fidem converso, sororem suam matrimonio copulavit; *Conegundim* uxorem suam virginem dereliquit. His temporibus in *Brunswick* princeps fuit *Bruno*, qui *Comes* dictus est, quod esse
potu-

potuit, quia ducatus, quem prædecessores sui tenuerant, maritis deficientibus, ab Ottone I. Hermanno, Bilingi filio, est donatus. Brunonis uxor fuit Domina Ghisla de Verle, quæ eidem genuit Ludolfum. Ghisla autem prius habens Lippoldum, Ernesti Ducis filium, genuit Hermannum Ducem Sueviæ. Post Brunonem autem nupsit Conrado II. Regi, qui Hinrico de Bawenberch successit in regno, cui genuit Hinricum III. regem, qui mansuetè regnavit.

DE HINRICO III.

Hic Ecclesiam B. *Matthia* in *Goslaria* prædij & multis sanctorum reliquijs honoravit. Hic apud *Hartoven* in *Bochvelde* obiit, & filium *Hinricum* IV successorem imperij dereliquit.

DE QUARTO HINRICO.

Iste multis prælijs *Saxones* vexavit, urbem *Hartesborch* & monasterium construxit in ea, quam *Saxones* destruxerunt. Victoriosus in bello fuit. Qui & Ducem *Saxonia* de *Luneborch*, *Magnum* nomine, & *Albertum* Marchionem de *Ballenstede* cepit, & anno integro detinuit captivatos. Tandem Papa contra ipsum ferente
sen-

sententiam, de regno deponitur, & in *Leodio* moriens, filium *Hinricum V.* successorem regni, qui eidem patri cum *Saxonibus* adversatus fuerat, dereliquit.

DE HINRICO V.

Iste *Hinricus V.* in eos, qui eum Regem creaverant, arma convertit, & cum de magna adjuutorum multitudine confideret, *Saxoniam* hostiliter intravit. Cui Dominus *Reinhardus Halberstadensis* Episcopus, *Luderus* Dux *Saxoniae*, Comes *Hermannus* de *Arneborch*, in *VVelpesholte* cum militia occurrentes, in bello de Rege victoriam sunt adepti, anno Domini MCXV. Qui postea moriens in *Spira* MCXXV., nullum reliquit de suo genere successorem. Hæc de Regibus, ad Duces *Brunswik* pertinentibus, sufficiant enarrata.

Porro *LVDOLVVS* genuit *EKBERTVM* & *BRVNONEM*. Hi in *Mersborch* Principibus ab imperatore vocatis, venerunt prope *Nendorp* ad flumen, quod *Salica* dicitur. Ubi ipsis *Otto* & *VWilhelmus* fratres, Principes *Thuringia*, hostes eorum, occurrerunt & bello commisso,

Bruno-

Brunonem occiderunt, *Ekbertum* graviter vulne-
rantes, è contra altero duorum fratrum Princi-
pum Thuringiæ interfecto, scilicet *Vilhelmo*.
Nam *Otto* superstes *Adelheydem Alberti* de *Bal-
lenstede* generavit. Qui *Otto*, ut fratris bona ab
Archiepiscopo Moguntino obtineret, subditos
suos ad aliqualem decimarum solutionem in-
ducere satagebat, quoniam nullas decimas da-
bant, sed ad coquinam Regis in quingentorum
porcorum tributo annuo à Rege *Thiderico* ipsis
imposito tenebantur. Istud tributum remis-
sum est *Thuringis* à *Hinrico* Rege de *Bavenberch*,
ad preces & obsequia venerabilis Domini *Olvri-
ci* de *Uimar*, Principis Thuringorum.

DE CLODOVEO REGE.

Nec prætereundum, quod *Clodoveus* Rex
Francorum, quem *S. Remigius* baptizavit, non
tantum *Galliam*, sed totam *Germaniam* obtinuit
violenter, quam & à Romanorum tribunis &
tributis liberam esse fecit. Quo mortuo re-
gnum ejus inter quinque suos filios est divi-
sum. Ita quod filio ejus *Thiderico* hujus habi-
tationis regio est relicta. Qui *Thidericus* *Thu-*

B

ringos

ringos cum Saxonibus impugnans eos subegit,
& Thuringos ultra Harconem locans, Thuringo-
rum terram Saxonibus assignavit. Causa vero
bellorum supradicti Regis Thiderici cum Thu-
ringis fuit, quod Thidericus Rex Saxonum, Thu-
ringorum Regem Erenfridum sibi esse subditum
exigebat. Erenfridus consilio uxoris suæ usus,
quæ soror erat Regis Thiderici ex patre, manda-
vit, quod à sorore sua nobili ipse spurius deberet po-
tius subjugari. Respondit Thidericus: multis ca-
pitibus meorum oportet me redimere libertatem.
Unde cum magno Francorum exercitu & Sa-
xonum super fluvium Unstrote vallum in Stidin-
ge obsedit, in quo erat congregatum totum ro-
bur exercitus Thuringorum. Saxones autem,
qui erant quasi novem milia pro strenuitate &
pugnandi audacia præmissi sunt in acie certa-
mine. Sed Thuringis fortiter oppugnanti-
bus, bellum est ingravatum, adeo quod hinc
& inde vulneratis & occisis plurimis, Saxonum
VI milia interierunt. Fiunt treugæ, faucij al-
ligantur, mortui tumulantur. Et ecce quidam
de Thuringis nisum ferens, illum avolare misit,
quem

quem Saxo quidam ex altera parte fluminis allectum cepit. *Thuringo* avem repetente, & *Saxone* negante, spondet *Thuringus*, si Saxo avem reddiderit, se secretum proditurum *Saxoni*, & toti populo suo profuturum. Avis remittitur, & secretum his verbis familiariter aperitur: Dominus noster, cum sit Regis nostri & filiorum suorum affinis & consanguineus, ad faciendam pacem flexus, de vestra constantia pertimescit, ut si inimicos viceritis, arma in ipsum & in suos socios convertatis. Ambobus igitur Regibus cum exercitu suo contra vos insurgentibus, mane experiemini, quod treuga facta in periculum vobis cedent. His auditis Saxones recedere disposuerunt: sed de consilio cuiusdam senis & nobilis, ne crimen imponeretur gloriae suae die illa, treuga servata, mane hostes hostiliter invadunt, & de hominibus pecoribus & de omnibus inventis occidunt, spoliant & incendunt. Quo facto ad Regem suum redeunt suo honori & virtuti congaudentes. Propter quod salarium à Rege promissum terram recipiunt *Thuringorum*. Anno Domini DXXXIV. vii. Kal. Octobris facta

aliqua

B. 2

est à

est à Saxonibus occisio Thuringorum. Hæc ergo dies victoriæ læta & celebris apud Saxones communiter habita, *communio* dicebatur. Unde *communes* dicuntur dies qui in *Octobri* servantur, ut observantia superstitiosa Saxonum, qui tunc pagani erant, modo ipsis Christum colentibus ad religionem transeat pietatis.

EKBERTUS *Brunonis* defuncti frater, qui *Marchio* dicebatur, genuit *Ekbertum* & *Gertrudim*. Quæ defuncto patre, & fratre à fautoribus imperij interfecto, hæreditatem in *Brunswik* obtinuit. Cui fidelis erat inter alios ministeriales *Widekindus* de *Uulferbutle*, avus *Ekberti*, patris *Guncelini*, patris *Burchardi*, de *Assenborch*, adeo ut pro eo obses esset *Hinrico* IV. Imperatori. Cujus *Widekindi* fidelitatem & constantiam Imperator ipse comperiens, castrum *Schartvelde*, decimam montis *Goslarie*, officium imperiale in *Polede*, cujus proventus erant M. D. libræ, ei jure contulit feudali: quæ tamen cito vacabant imperio, cum *Widekindus* tantum filias genuisset. *Gertrudis*
nupsit

nupsit Comiti *Hinrico*, qui *Pinguis* dicebatur, qui fuit filius *Ottonis* de *Northeym*, Ducis quondam *Saxonie*, & erat de progenie *Sifridi* Comitis de *Bernneborch*, cujus filij, ut supra dictum est, *Ekkehardum* Marchionem in *Polede* occiderunt. *Gertrudis* de *Hinrico* genuit *Rikysam*, quæ tradita est *Ludero*, qui fuit filius Comitis *Ghevehardi* de *Supelingheborch*, & erat potens & industrius, ad quem devoluta est hæreditas de *Haldesleve*, morientibus *Bernardo*, qui primo conventum *Canonicorum* in *Luttere* fundaverunt, qui postea, anno Domini *mcxxxv* per *Ludrum* & *Rikizam* uxorem ejus in monachos *S. Benedicti* regulæ est mutatus. Cessit etiam eidem *Ludero* ex uxore sua *Rikiza* *Brunswick* hæreditas dignitatis, qui etiam Duce *Saxonie* *Magno* mortuo, à Rege *Henrico* *Ducatum Saxonie* pro sua industria est adeptus. *Henrico* vero Imperatore defuncto de Principum assensu in imperium est assumptus, cujus gesta magnificata sunt descripta. *Gertrudem* filiam suam ex *Rikiza* *Hinrico* Duci *Bavariæ* dedit, cui & *Ducatum Saxonie* contulit tunc vacantem. *Lud-*

iderns, qui & *Lotharius*, in *Longobardia* obiit, sed in *Saxonia Luttere* tumulatus, ubi post sepulti sunt *Rikysa* Imperatrix, anno MCXXXIX. III. Kal. Novembr. Iste Dux matrem habuit *Wilphildem*, filiam Ducis *Magni*, unde & *Catulus* sive *Wely* dicebatur. Patrem vero *Hinricum* Ducem *Bawariæ* qui *Niger* vocabatur. Igitur *Hinricus Niger* ex *Wilphilde* genuit *Hinricum Catulum*, generum Regis *Ludarii*. *Hinricus Catulus* de *Ghertrude* filia Regis unica genuit *Hinricum Leonem*, qui ex patre duos Ducatus *Bawariæ* & *Saxoniæ* obtinuit, ex matre proprietatem in *Brunswigh* possedit.

DE ETHICONE.

Temporibus *Karoli* erat quidam *Ethico* Princeps magnus, qui pro generis sui excellentia nulli hominum pro pheodo humiliare se volebat, cujus filiam *Lodewicus* Rex, filius *Karoli*, duxit in uxorem. Hæc persuasit *Hinrico Ethiconis* filio, fratri suo, ut vasallus fieret mariti sui *Lodewici*. Quo renuente, tandem de hoc facto a Rege conventus est. Cui & à Rege promissum est, quod præter alia beneficia tantum de præ-

de prædijs suis in proprietatem ei daret, quantum in die æstatis longissima cum curru aureo circuiret. Quo promisso illectus, de auro curriculum fabricans, & eum in finis reponens, socios & equos veloces sibi adhibuit, & in die æstiva montem qui *Mersborch* dicitur circiuit. Deinde ad Regem redijt, & Rex ei montem cum Ducatu *Bavaria* dereliquit. *Ethico*, de factò filij indignatus, in solitudine vitam agens privatam, moritur, nec ulli esse subditus dignabatur, unde *cum curru aureo* dicebatur. De hujus stirpe per aliquas personas interpositas, Duces *Hinricus Niger* & *Hinricus Catulus* descendunt: cujus etiam soror fuit *Iutta*, primi mater *Frederici*. De eadem quoque stirpe fuit in *Constantia* quidam Episcopus, nomine *Conradus*, qui pro sanctitatis suæ merito est Canonisatus. Quo cum quoque venisset Dux *Hinricus Leo*, pro affectu naturali & devotione Ecclesiam *Constantiensem* ob *S. Conradi* reverentiam donis & prædijs magnifice honoravit. *Hinricus Leo* uxorem duxit suo generi congruentem, filiam Ducis de *Thuringe*, dominam *Clementiam*, de qua genuit

genuit filiam, quam accepit potens quidam & nobilis de *Slavorum* Principibus in uxorem. Quod matrimonium, licet postea iudicio Ecclesie fuerit solutum, tamen fuit legitimum, quia bona fide utriusque coniugum celebratum. Unde idem *Hinricus Leo* postea duxit Dominam *Mechtildem* filiam *Henrici* Regis *Angliae* senioris, de qua genuit IV. filios, Dominum *Ottonem* Imperatorem, *Henricum* Palatinum *Reni*, *Wilhelmum* Ducem, & *Ludervm* qui in pueritia est defunctus. Et nota quod *Hinricus* senior Rex *Angliae* IV. filios habuit: *Henricum*, *Richardum*, *Iohannem* & *Gaufredum*; & IV. filias, quarum una data est uxor Regi *Castellae*, de qua nata est Domina *Blancha* regina *Franciae*, nunc regnantis. Secunda data est *Alexio* Imperatori *Constantinopolitano*. Tertia *Mechtildis* data est *Hinrico* Duci *Saxoniae*, & quarta *Comiti Rolofano*. *Iohannes* *Henrici* filius, duxit filiam, & genuit *Henricum* Regem *Angliae*, & *Richardum* electum Regem *Alemanniae*. *Hinricus*, filius *Johannis*, duxit filiam *Comitis Provinciae*, & genuit Dominum *Eadwardum* Regem *Angliae*, qui nunc regnat.

regnat. Anno Domini MCLXXXIII. obiit
Hinricus junior ante patrem. MCLXXXVI obiit
Godefridus. MCLXXXIX obiit *Henricus* Rex An-
 glia senior, cui successit filius ejus *Richardus*. *Richardus*
 obiit MCXCIX & successit ei frater ejus
Iohannes, qui obiit MCCXVI, & successit ei fili-
 us ejus *Hinricus*. Qui obiit MCCLXX, & succes-
 sit ei Dominus *Eatwardus*.

Mortuo *Hinrico* VI. Imperatore, & fratre
 ejus *Philippo* à Palatino de *Wecelingesbach* inter-
 fecto, anno Domini MCCX, Dominus *Otto* IV.
 in imperium est assumptus. Hic duxit uxorem
Beatricem, Regis *Philippi* filiam, quæ obiit anno
 Domini MCCXIII. III. Id Augusti. Postea du-
 xit *Mariam*, sororem Ducum *Brabantia*; de
 quarum nulla habuit successorem. In crastino
Mariæ *Magdalena*, contra *Philippum* Regem
 Franciæ conflixit, MCCXIV. Tribus annis in pa-
 ce bona regnavit, ut pacis filius, ut Rex pacifi-
 cus, posset merito appellari. Fuit enim corpo-
 re robustus, animo quietus, pro debito aucto-
 ritatis justitiam diligens, & pro affectu pietatis
 miseris condescendens. Quem virga correcti-

C

onis

onis in ipsum sententiam Ecclesiasticam promulgari permittendo Dominus corripuit. A quo tamen misericordiam non abstulit. Nam bellis provocatus & incursionibus, incendia & cædes hominum horruit. Maxime autem cor ejustetigit & anxiet quod feudi ratione inobediens diceretur. Unde & orare solebat quod eum Dominus misericorditer absolveret, & de Rege utiliori provideret. Factum est autem, ut electionis suæ moreretur anno in *Harteshorch*, in contritione & devotione, sicut secundum hominem putatur iudicium & à viris fide dignis & suis confessoribus enarrari. Anno Domini MCCXVIII. XIV. Kal. Iunij, fuit sepultus in urbe *Brunswik*, cum uxore *Beatrice* & patre *Henrico Leone* & matre *Mechtilde*, in Ecclesia *S. Blasij* ante chorum. Post obitum ejus cuidam sanctimoniali *S. Borchardi* apud *Halberstadtum* pro ipso oranti, idem *Otto* apparuit, & certo signo exposuit, quod de peccatis ereptus esset, & in misericordias Domini misericorditer introiisset.

Henricus denique, frater *Otonis*, primo duxit uxorem de *Reno*, cum qua obtinuit *Palatii*
prin-

principatum, de qua duas filias genuit, scilicet *Herinck Ducissam Bavarix*, & *Marchionissam de Baden*. Qui eidem in hæreditate *Brunswik* succedentes, eam imperio vendiderunt. Mulieres autem quædam Saxonix patribus in hæreditate totaliter non succedunt, propter opprobrium juris, quod *Suarvey* dicitur, quod incurrun-
 runt ex eo, quod dum *Saxones* XII annis ad expugnandam *Angliam* defuissent, *Suarvey* Saxoniam intraverunt, & quorundam uxoribus sunt abusi. Saxonibus post XII. annos redeuntibus, quædam mulieres ad *Saxones* viros pristinos redierunt. Aliæ *Suevis* adulteris adhæserunt. Unde statuerunt, quod mulieres ad viros pristinos non redeunt, tam in se, quam in filiabus suis, secundum jus, quod *Suarvey* dicitur, exhæredarentur. Aliam quoque Dominus *Hinricus* duxit uxorem *Agnetem*, filiam *Marchionis de Landesberch*. Quæ cum hæredes non haberet, Domino suo moriente MCCXVII. IV. Kal. Maji, sancte & pie vivendo cœnobium Sanctimonialium Ordinis *S. Benedicti* instituit in *Vvinhusen*, ubi etiam in pace moriens requiescit. *Hinri-*

cus vero Palatinus in Ecclesia S. Blasii in Brunswik cum suis patribus est sepultus.

Dux autem *Wilhelmus* frater dictorum Principum, qui ducatum *Luneborch* possedit, uxorem duxit MCCII. *Helenam*, sororem Regis *Slavorum*, Domini *Woldemari*, avi *Erici*, regis *Dacia*, nunc regnantis: & genuit *Ottonem* de *Luneborch*. Obijt MCCXIII. Pridie Idus Decemb.

Otto Dux de *Luneborch*, partem proprietatis patris sui *Hinrici* Palatini, quam filia sua venderant, suae portioni totaliter unitam jure pheodali recepit a *Frederico* II. Imperatore, in curia *Maguntia* celebrata. Hic in bello *Bornehorve*, contra *Albertum* Ducem *Saxoniae*, & *Henricum* Comitem de *Swerin*, congregitur, in vigilia III. feria S. *Mariae* *Magdalena*, cum Comite *Alberto* de *Orlemunde*, cumque alijs pluribus fuit captus. Unde pro sua liberatione castra *Hidsackere* & *Lovenborch* & *Theram* cis *Albiam* dereliquit. Hic duxit uxorem suae nobilitati congruentem, *Mechtildem* Marchionis *Alberti* filiam de *Brandesborch*, & genuit *Ottonem*, *Albertum*, *Iohannem*, *Conradum*. Filias quoque
Mech-

Mechtildem, Helenam, Aleydem, Helenam, Agneten. Obiit autem *Otto* Dux MCCLII. *Ducissa* vero *Mechtildis* uxor ejus MCCLXI & in *Luneborch* sunt sepulti.

Otto genuit *Albertum* & *Iohannem*. *Albertus* MCCLXIII. V. Kal. Novembr. à *Thiderico* Marchione Misnensi cum multis suis militibus fuit captus. *Castrum Asseborch* obtinuit M. CCLXII. *Albertus* duxit uxorem *Elisabeth* Ducis *Brabantia*, quæ sine liberis obiit MCCLXI. Postea duxit *Adelheydem* filiam Marchionis *Montis ferati*, & genuit *Hinricum*, *Albertum*, *Vilhelmum*, *Conradum*, *Ottonem*, *Luderum* & *Mechtildem*. Obiit *Albertus* MCCLXXIX in die assumptionis B. Virginis, *Brunswick* in Ecclesia S. Blasij est sepultus. *Iohannes* duxit uxorem filiam *Gherhardi* Comitis de *Schowenborch*, qui cum fratre suo terram dividens, *Luneborch*, obtinuit principatum, & genuit *Ottonem*. Obijt MCCLXXVII. XVII. Kal. Ian.

Item *Otto* senior ex *Mechtilde* genuit *Conradum* Episcopum *Verdensem*, *Ottonem* Episcopum *Hildensemensem*, qui jura Ecclesiæ suæ bene dicitur defendisse, & obiit anno Domini MCCLXXIX.

Mechtildem, quam duxit *Hinricus* Pinguis Comes de *Anehalt*, & genuit *Ottonem* Comitem, & facta est propter sui discretionem postea Abbatissa in *Gheroude*. *Helenam*, quam primo duxit *Hermannus* Dominus *Hassia*, filius *B. Elisabeth*. Hanc postea duxit *Albertus* Dux Saxoniae, & genuit *Iohannem* & *Albertum*. Obijt MCCLXX. *Aleydem*, quam duxit *Hinricus* filius *B. Elisabeth*, Landgravius *Hassia*. *Elyfabeth* quam duxit *VWilhelmus* de *Hollandria* Rex, & genuit *Florentium* Comitem *Hollandriae*: & *Aagnetem*, quam duxit *VVisslaus* Dominus *Rugyiae* & genuit filios & filias.

Sex filiorum Ducis *Alberti* primus *Hinricus*, duxit uxorem filiam *Alberti* Landgravij *Thuringiae*. Secundus *Albertus* duxit filiam *Hinrici* Domini de *VVerle*. Tres ultimi, *Conradus*, *Otto* & *Luderus*, Cruciferorum se Ordini manciparunt. *Mechtildis* nupsit Duci *Glogovia* MCCXII. in mense Martio. Sit Deus super omnia benedictus.

Anno Domini MCCLXXXVIII., in die *Bonifacii* martyris *Hinricus* & *Anneko* de *Henborch*, *Hildemarus* Advocatus *Irkesleve*, de *Salderen* miles, cum XII. socijs in *Helmeftede* à communi vulgo miserabiliter occiduntur. Eodem die inter Dominum *Sifridum* de *Runkil*, Archiepiscopum *Coloniensem* & Ducem *Brabantiae* & eorum complices, inter *Coloniam* & *Nussiam*, praelium fit crudele, in quo duo fratres de *Lucelenborch* cum alijs pluribus occiduntur. Archiepiscopus *Coloniensis* capitur, & plus quam anno ab illis de *Monte* in vinculis detinetur. IM.